

- 1' Narrheyt hat eyn groß gezelt
- 2' By jr lågert die gantz welt
- 3' Vor vß / was gwalt hatt / vnd vil gelt



von dem gwalt der narren

- 1 Es ist nott / das vil narren synt
- 2 Dann vil synt an jn selbs erblynt
- 3 Die mitt gwalt went witzig syn
- 4 Do yederman sicht vnd ist schyn

1' eyn GW5046 GW5047] gar eyn GW5041 2' gantz GW5046 GW5047] gantze GW5041

5 Jr narrheyt / doch nyemant getar
 6 Zũ jnn sprechen / was tũstu narr /
 7 Vnd wenn sie grõsser wyßheyt pflegen
 8 So ist es vast von der gõuch wegen
 9 Vnd wann sie nyemans loben wil
 10 So loben sie sich dick vnd vil
 11 So doch der wiß man gibt vrkund
 12 Das / lob stinck / vß eym eignen mundt
 13 Wer jnn sich selbst vertrauen setz
 14 Der ist eyn narr vnnd dorecht gõtzt
 15 Wer aber wißblich wandlen ist
 16 Der würt gelobt zũ aller frist
 17 Die erd ist sellig / die do hat
 18 Eyn herren / der jnn wißheyt stat
 19 Des rott ouch ysßt zũ rechter zyt
 20 Vnd sũchen nit wollust / vnd gydt
 21 We we dem ertrich / das do hat
 22 Eyn herren / der jnn kynttheyt gat
 23 Des fursten essen morgens frũg
 24 Vnd achten nit was wißheyt tũg /
 25 Eyn arm kyndt / das doch wißheyt hat
 26 Jst besser vil jn synem stadt
 27 Dann eyn künig / eyn alter tor
 28 Der nit fürsicht die kunfftig jor /
 29 We den gerechten vber we
 30 Wann narren stygen jn die hõh
 31 Aber wann narren vnder gondt
 32 Gar wol die gerechten dann gestondt
 33 Das ist dem gantzen land eyn ere
 34 Wann vß dem gerechten würt eyn here

hI'

h

5 nyemant GW5046 GW5047] nyeman GW5041

35 Aber doch / wann eyn narr regiirt
 36 So werden vil mit jm verfür̃t /
 37 Der dūt nit recht / wer an gericht
 38 Durch fr̃untschafft eym jns anttlit sicht
 39 Der selb ouch vmb eyn byssen brot
 40 Worheyt / vnd gerechtikeyt verlot /
 41 Recht vrteyln / stat eym wisen wol
 42 Eyn richter nyemans kennen sol
 43 Ratt und gerycht / hat keynen fr̃ündt
 44 Susannen richter noch vil syndt
 45 Die mūtwill triben / vnd gwalt
 46 Gerechtikeyt die ist vast kalt
 47 Die schwert die sint verrostet beyd
 48 Vnd wellen nym recht vß der scheid
 49 Noch schnyden me / do es ist nott
 50 Gerechtikeyt ist blyndt vnd dott
 51 All ding dem geltt sint vnderthon /
 52 Jugurtha do er schyed von Rom
 53 Do sprach er / o du veyle statt
 54 Wie werstu so bald schoch vnd matt
 55 Wann du eyn kouffman hettst alleyn
 56 Man fyndt der stett noch me dann eyn
 57 Do man hant schmyerung gern vff nymbt
 58 Vnd dar durch dūt vil das nit zymbt
 59 Myet / fr̃untschafft / all worheyt vmb kert
 60 Als Moysen syn schwāher lert
 61 Pfenning / nyd / fr̃untschafft / gwalt vnd gunst
 62 Zerbrechen yetz / recht / brieff / vnd kunst /
 63 Die fürsten worent ettwann wiß /
 64 Hattent altt rāt / gelert / vnd gryß

65 Do stund es wol jn allem land
 66 Do wart gestroffet sünd vnd schand
 67 Vnd was güt fryd jnn aller welt
 68 Jetz hatt narrheyt all jr gezelt
 69 Geschlagen vff / vnd lyt zů wer
 70 Sie zwingt die *fürsten* / vnd jr her
 71 Das sie sōnt wißheyt / kunst / verlan
 72 Alleyn eygen nutz sehen an
 73 Vnd wōlen jnn / eyn kyndschen ratt
 74 Dar vmb es leyder vbelgat
 75 Vnd hat kunfftig noch böser gstal
 76 Groß narrheyt ist by grossem gwalt
 77 Gott ließ / das mancher fürst regiert
 78 Langzyt / wann er nit würd verfür̃t
 79 Vnd vnmylt wurd / vnd vngerecht
 80 Durch anreytz valscher rått vnd knecht
 81 Die nāmen gaben / schenck / vnd myet
 82 Vor den eyn fürst sich billich hůt
 83 Wer gaben nymbt / der ist nit fry
 84 Schenck nemen / macht verretery
 85 Als von Ayoth geschach Eglon /
 86 Vnd Dalida verryet Samson /
 87 Andronicus nam gulden vaß
 88 Des wart gedōtet Onyas /
 89 Ouch Benedab der künig brach
 90 Syn büntniß / do er gaben sach /
 91 Tryphon do er betryegen wolt
 92 Das jonathas jm glouben solt
 93 Do schanckt er gaben jm vorhyn
 94 Do mit er möcht beschissen jn

h2'

h ij

70 fürsten] ü rsten GW5046 85 Ayoth GW5046 GW5047] Ayoht GW5041